



Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtrum liceat sacerdoti omnino à celebratione cessare? 10

urn:nbn:de:hbz:466:1-38725

434 QVÆST. LXXXII. ART. IX.
non sit grauior cæteris peccatis, tamen ad eam pro-
niores sunt homines, propter carnis concupiscenti-
am. Et ideo specialiter hoc peccatum sacerdotibus
prohibitum est ab Ecclesia, & ne aliquis audiat mis-
sam concubinarij sacerdotis. Sed hoc intelligendum
est de notorio, vel per sententiam, quæ fertur in con-
uictum, vel per confessionem in iure factam, vel per
evidentiam facti, quando non potest peccatum ali-
qua tergiuersatione celari.

ARTIC. X.

Vtrum liceat sacerdoti, omnino à consecratione Eu-
charistie abstinere?

503
4. dif. 12.
q. 3. ar. 2.
q. 3. q. d.
13. q. 1.
8. 2. q. 1.

ar. 7. hu-
ius q.

Gela. Pal
lzd. episc.
scribens:
Hetur in
decre. di.
55. c. præ-
cepta ca-
non. c. in
princ.

A D decimum sic proceditur. Videtur, quod li-
ceat sacerdoti, omnino à consecratione Eucha-
ristie abstinere. Sicut enim ad officium sacerdotis
pertinet Eucharistiam consecrare, ita etiam baptiza-
re, & in alijs sacramentis ministrare. Sed sacerdos
non tenetur ministrare in alijs sacramentis, nisi pro-
pter curam animarum suscepitam. Ergo videtur, quod cu-
ram non habeat animarum.

¶ 2 Præterea, Nullus tenetur facere quod sibi
non licet: alioquin esset perplexus. Sed sacerdoti
peccatori vel etiam excommunicato, non licet eu-
charistiam consecrare: ut supra dictum est*. Ergo
videtur, quod tales non teneantur ad celebrandum,
& ita nec alij: alioquin ex sua culpa commodum
reportarent.

¶ 3 Præterea, Dignitas sacerdotalis non perdi-
tur per subsequentem infirmitatem: dicit enim *Ge-
lafius Papa, & habetur in decr. dist. 55. Præcepta ca-
nonica, sicut non patiuntur venire ad sacerdotium
debiles corpore, ita si quis in eo fuerit constitutus,
ac tunc fuerit fauciatus, amittere non potest quod
tempore suæ synceritatis accepit. Contingit autem
quandoque, quod ordinati in sacerdotes, incurruunt
aliquos defectus, ex quibus à celebratione impe-
diuntur, sicut est lepra vel morbus cæducus, vel ali-
quid

quid aliud huiusmodi. Non ergo videtur, quod sacerdotes ad celebrandum teneantur.

SED contra est, quod Ambros. dicit in quadam oratione, Graue est, quod ad mensam tuam mundo corde, & manibus innocentibus non venimus: sed grauius est, si dum peccata metuimus, etiam sacrificium non reddamus.

RESPONDEO dicendum, quod quidam dixerunt, quod sacerdos potest omnino a consecratione licet abstinere, nisi teneatur ex cura sibi commissa celebrare populo, & sacramenta præbere. Sed hoc irrationabiliter dicitur: quia vnuſquisque teneatur ut gratia sibi data, cum fuerit opportunum: secundum illud 2. ad Cor. 6. Exhortamur ne in vacum gratiam Dei recipiatis. Opportunitas autem sacrificium offerendi, non solum attenditur per comparationem ad fideles Christi, quibus oportet sacramenta ministrari, sed principaliter per comparationem ad Deum, cui consecratione huius sacramenti sacrificium offertur. Vnde sacerdoti etiam si non habeat curam animarum, non licet omnino a celebratione cessare: sed saltem videtur, quod celebrare teneatur in præcipuis festis, & maximè in illis diebus in quibus fideles communicare consueuerunt. Et hinc est quod 2. Mach. 4. contra quosdam sacerdotes dicitur, quod iam non circa altaris officia dediti erant, contempto templo, & sacrificijs neglegētis.

Ad primum ergo dicendum, quod alia sacramenta perficiuntur in vsu fidelium: & ideo in alijs ministrare non tenetur, nisi ille qui super fideles suscipit curam. Sed hoc sacramentum perficitur in consecratione eucharistiae, in qua sacrificium Deo offeratur: ad quod sacerdos obligatur Deo ex ordine iam suscepto.

Ad secundum dicendum, quod sacerdos peccator si per sententiam ecclesiæ sit executione ordinis privatus, vel simpliciter vel ad tempus, redditus est impotens ad sacrificium offerendum: & ideo ob-

Ecc 2 liga-

416 QVÆST. LXXXII. ART. X.
ligatio tollitur. Hoc autem cedit sibi in detrimentum spiritualis fructus, magis, quam in emolumen-
tum.

Si vero non sit priuatus potestate celebrandi, non
soluitur obligatio: nec tamen perplexus est: quia po-
test de peccato pœnitere, & celebrare.

Ad tertium dicendum, quod debilitas vel ægri-
tudo superueniens ordini sacerdotali, ordinem non
tollit: executionem tamen ordinis tollit quantum
ad consecrationem eucharistie. Quandoque qui-
dem propter impossibilitatem executionis: sicut si
priuetur oculis, aut digitis, aut vsu linguae. Quando-
que autem propter periculum, sicut patet de eo qui
patitur morbum contagium, vel etiam quamcumque
alienationem mentis. Quandoque propter abomi-
nationem, sicut patet de leproso, qui non debet
publicè celebrare. Potest tamen missam dicere oc-
culte, nisi lepra adeò inualuerit, quod per corrosio-
nem membra, eum ad hoc reddiderit impo-
tentem.

QVÆST. LXXXIII.
De ritu huius sacramenti, in sex articulos diuisa.

D Einde considerandum est de ritu huius sacra-
menti.

¶ Et circa hoc quaruntur sex.

¶ Primo, virum in celebratione huius mysterij
Christus immoletur?

¶ Secundo, de tempore celebrationis.

¶ Tertio, de loco & alijs, quæ pertinent ad * appa-
ratum huius celebrierionis.

¶ Quarto, de his quæ in celebratione huius myste-
rij dicuntur.

¶ Quinto, de his quæ circa celebrationem huius
mysterij sunt.

¶ Sexto, de defectibus, qui circa celebrationem hu-
ius sacramenti occurunt.

A R.